

OPĆINA TEŠANJ

IZVJEŠTAJ 2015.

OPĆINSKOG NAČELNIKA

za period od 01.01. do 31.12.2015. godine

Broj: 02-49-2-157/16.

Datum: 20.01.2016. godine

SADRŽAJ

| | |
|---|----|
| UVOD | 3 |
| LOKALNA UPRAVA..... | 4 |
| REALIZACIJA STRATEŠKIH DOKUMENATA..... | 6 |
| BUDŽET OPĆINE TEŠANJ | 6 |
| EKONOMIJA I POSLOVNO OKRUŽENJE | 6 |
| EKOLOGIJA I OKOLIŠ..... | 9 |
| MLADI..... | 11 |
| KULTURA I NASLIJEĐE | 12 |
| POLJOPRIVREDA..... | 12 |
| KOMUNALNA INFRASTRUKTURA I SAOBRAĆAJ | 13 |
| JAVNA PREDUZEĆA I USTANOVE | 14 |
| MJESNE ZAJEDNICE | 14 |
| NVO | 15 |
| BORAČKE POPULACIJE | 15 |
| PENZIONERI, SOCIJALNA ZAŠTITA..... | 17 |
| DOMAĆE I MEĐUNARODNE INSTITUCIJE-SARADNJA SA DRUGIMA..... | 17 |

Mahatma Gandhi

"Duh demokratije ne može se nametnuti izvana. On mora izrasti iz unutrašnjosti naroda."

"Pod pojmom demokratija ja podrazumijevam jednake šanse kako za najslabijeg, tako i za najjačeg."

UVOD

Tranzicija bosanko-hercegovačkog društva u vremenu nakon agresije u sebi nosi izazove i zamke mladih i neizgrađenih institucija, ispitivanja i preispitivanja odnosa i sistema. Lokalna samouprava, najbliža i najdirektnija građanima i sama je suočena sa brojnim izazovima, tranzicije nadležnosti i prava (počev od organa lokalne samouprave Općinskog vijeća i Općinskog načelnika), o finansijskim ograničenjima (stvarnim ili nametnutim poreskim okvirom), o problemima „uzimanja i ostavljanja“ nadležnosti itd.

Općinski načelnik i Općinsko vijeće Tešanj dva su lokalna organa lokalne vlasti i zajednički su odgovorni za funkcioniranje jedinice lokalne samouprave, te pojedinačno odgovornosti za ostvarivanje vlastitih nadležnosti.

Pomenuta odgovornost proizilazi iz izvornih (direktnih) i prenesenih (dodijeljenih) nadležnosti općine. Ove nadležnosti se mogu dijeliti na servisne (pružanje usluga) i regulatorne (utvrđivanje određenih politika, predlaganje i donošenje odluka, planiranje i koordiniranje određenih aktivnosti).

Ostvarivanje općinske politike (kako to Statut navodi) nešto je o čemu Općinski načelnik podnosi izvještaj Općinskom vijeću. Ovaj izvještaj zapravo sadrži samo dio informacija o tome, a mnogo detaljnije informacije o ostvarenju općinske politike i stanju u određenim oblastima rada i djelovanja sadržane su u brojnim informacijama i izvještajima koje tokom godine razmatra Općinsko vijeće:

- Izvještaj o realizaciji kapitalnih projekata,
- Izvještaj o radu Općinskog vijeća,
- Izvještaji o izvršenju Budžeta,
- Informacija o realizaciji Strategije općine Tešanj,
- Informacija/izvještaji o poslovanju javnih ustanova i preduzeća na području općine Tešanj,
- Informacija o stanju poljoprivrede i realizaciji općinskog poticaja na području općine Tešanj,
- Informacija o izvršenom deminiranju, trajnom obilježavanju i uklanjanju NUS-a na području općine Tešanj,
- Informacija o radu mjesnih zajednica,
- Informacija o radu nevladinih organizacija na općini Tešanj,
- Informacija o organizovanju i funkcioniranju sistema zaštite i spašavanja i zaštite od požara,
- Informacija o ostvarivanju prava pripadnika boračkih populacija putem Službe za boračko-invalidsku zaštitu,
- Informacija o zimskom održavanju lokalnih puteva na području općine Tešanj,
- Informacija o socijalnoj zaštiti na području općine Tešanj - položaj građana u socijalnoj potrebi i položaj djece i omladine sa posebnim potrebama,
- Informacija o rješavanju statusa izbjeglih i raseljenih lica na području općine Tešanj,

U svim ovim izvještajima i informacijama sadržane su informacije o ostvarenju općinske politike u različitim oblastima.

Izvještaj koji slijedi na narednim stranicama, sačinjen je kao prikaz najvažnijih područja rada i aktivnosti Općinskog načelnika, sa općim godišnjim pregledom aktivnosti, pri tome unoseći što više konkretnih podataka, trendova, poređenja sa širim okvirom, različitim periodima i sl.

LOKALNA UPRAVA

Lokalna uprava je trenutno organizirana u 5 općinskih službi. U 2015. godini šest uposlenika je penzionisano i nije bilo prijema novih uposlenika, ali je u toku postupak za prijem dva nova uposlenika i izbor na poziciju Općinskog pravobranioca. Poslove Općine Tešanj izvršava 88 uposlenika i 2 uposlenika u Općinskom pravobranilaštvu, uz angažman 8 volontera koji su stekli prvo radno iskustvo.

a) Neposredno rukovođenje lokalnom upravom

Realizirano je ukupno 37 sastanka rukovodstva općine na kojima je razmatrano 102 tačke dnevnog reda. Definirano je 116 zadataka i obaveza. Svi zapisnici su javni i nalaze se na općinskoj web stranici. Općinski načelnik je prema nadležnosti aktivni sudionik administrativnih procesa u općini i odgovoran za izvršenje Budžeta. Time se u stvari veliki dio vremena posveti redovnim poslovima rukovođenja općinskim organom uprave.

b) Servisiranje rada Općinskog vijeća

Općinski načelnik i uprava servisirali su Općinsko vijeće pripremivši materijale za 98 tačaka dnevnog reda (38 tačaka ranije planirane i 60 dodatnih) pripremivši 49 odluka, 16 rješenja, 33 izvještaja i informacije. Odgovoreno je na 88 vijećničkih pitanja, te dato mišljenje na 21 inicijativu i 23 amandmana. U potpunosti je ispoštovan Program rada Općinskog vijeća Tešanj, te je adekvatno reagovano na inicijative, zahtjeve i potrebe građana i institucija.

c) Administrativne i upravne usluge lokalne uprave

Općina trenutno najveći broj administrativnih usluga pruža kroz servisne centre (tzv. šalter sale). Trenutno imamo organiziranih 5 servisnih centra (Tešanj, Jelah, Tešanjka, Kalošević i Šije). Uredi u Šijama i Kaloševiću imaju vrlo ograničene efekte. U 2015. godini urađeno 113.810 ovjera dokumenata (23.515 manje u odnosu na 2014.), iz matičnih evidencija izdato 21.376 izdato uvjerenje iz matičnih evidencija (517 više u odnosu na 2014.), izvršeno 16.583 provjera za lične dokumente (CIPS) (umanjenje za 16.317 - efekat ranije verifikacije u 2014.). Redovan servisni rad lokalne uprave podrazumijeva rješavanje upravnih postupaka. U 2014. godini situacija u tom pogledu izgledala je na slijedeći način:

Upisnik prvostepenih predmeta za organ uprave po službama - upravni postupak

| Služba | Broj predmeta u 2014 | Predmeti iz 2014 | Predmeti iz 2015 | Broj predmeta u 2015 | Broj riješenih predmeta 2014 | Broj riješenih predmeta 2015 |
|---|----------------------|------------------|------------------|----------------------|------------------------------|------------------------------|
| Služba za društvene djelatnosti i investicije | 1058 | 405 | 515 | 1091 | 653 | 576 |
| Sl. za finansije i privredu, komunalne i inspeksijske poslove | 802 | 1 | 1 | 629 | 801 | 628 |
| Sl. za katastar, urbanizam i imovinsko-pravne poslove | 2968 | 309 | 287 | 3585 | 2656 | 3779 |
| Služba civilne zaštite | 842 | - | - | 828 | 842 | 828 |
| Sl. za boračko-invalidsku zaštitu i opću upravu | 2336 | 203 | 518 | 2291 | 2133 | 1773 |
| UKUPNO: | 8006 | 918 | 1321 | 8424 | 7085 | 7584 |

Kao što je iz tabele vidljivo, na kraju 2015. godine preneseno je u 2016. godinu oko 1000 predmeta upravnog rješavanja. Najvećim dijelom to se odnosi na aktuelne konkurse za stipendije („općinska“ i „boračka“). Može se primijetiti i da je ukupan broj predmeta povećan za 5%.

d) Sistemi upravljanja kvalitetom i okolišom

U 2015 godini uspješno su realizovana dva interna audita za integrisani sistem upravljanja kvalitetom i okolišem i to:

- prvi planirani interni audit realiziran je 28.05.2015.godine,
- drugi planirani interni audit realiziran je 08.12.2015.godine.

Eksterni auditi u 2015. godini i to:

- Prvi nadzorni audit po normi ISO 14001:2004 održan je dana 21.12.2015.godine (Auditor smatra da je organizacija ispunila osnovne zahtjeve norme i da je jaka strana sistema da je opredjeljenje rukovodstva ka stalnim poboljšanjima i investicijama koje doprinose istom)

- **Recertifikacijski** audit po normi ISO 9001:2008 održan je dana 22.12.2015.godine i proveden od strane dva ovlaštena auditora prema procedurama recertifikacijske kuće (Auditor smatra da sistem zaslužuje sve pohvale na implementaciji i ispunjenju svih osnovnih zahtjeva norme).

Kroz sistem upravljanja kvalitetom prate se ciljevi upravljanja kvalitetom i okolišem, sistem praćenja je na mjesečnom, kvartalnom i godišnjem nivou i pokazao se efikasnim i učinkovitim, što su pokazali i rezultati sa internih i eksternih provjera sistema

e) Edukacija i razvoj ljudskih resursa

Tokom 2015. godine uposlenici Općine Tešanj su prošli **12** internih edukacija realizovanih petkom ujutro u vremenu od 7:30 do 8:30. Za većinu uposlenika, a naročito uposlenika koji najdirektnije rade sa strankama, organizovane su i dvije cjelodnevne radionice na temu Poslovne komunikacije. Uposlenici su prisustvovali i na edukacijama koje organizuju domaće i strane organizaciju u zavisnosti od potreba, a u 2015. godini su najznačajnije edukacije iz oblasti matičnih knjiga, stvarnog prava i javnih nabavki, a zbog donošenja novih propisa iz ovih oblasti. **Tri** uposlenika su stekli viši stepen formalnog obrazovanja (2 VSS i jedan MR)

f) Modeli, alati i projekti unapređenja

Harmonizacija podataka katastra i zemljišne knjige (gruntnovnice) – Općina Tešanj je u 2015. godini među prvima u BiH ušla u realizaciju projekta usklađivanja podataka o vlasništvu (podaci katastra u gruntnovnice). Projekat vodi Federalna geodetska uprava, a finansiran je jednim dijelom sredstvima Svjetske banke. Uključeni su općinski sudovi. Konkretno u 2015. godini pokrenut je proces usklađenja podataka za **tri katastarske općine** (Tešanj 1, Tešanj 2 i Jelah). Riječ je o oko 4000 parcela. Projekat će osim administrativnih olakšica u konačnici doprinijeti manjem broju sudskih postupaka, jednostavnijem dokazivanju vlasništva u privatnim ili poslovnim potrebama, a sve to besplatno za građane. Procijenjena ušteta za građane je višemilionska. Za 2016. godinu planiran je nastavak projekta za **tri nove katastarske općine**.

Adresni registar – U 2015. godini izvršene su potrebne pripreme za uspostavu Adresnog registra općine Tešanj. Osim pripreme adekvatnih odluka izvršene su potrebne pripreme za označavanje kućnim brojevima na terenu. Krajem godine objavljena je javna nabavka za sve objekte na prostoru općine Tešanj. Obezbijedena je donacija od cca 30.000 KM za ovaj posao od Švedske. Očekujemo u 2016. godini terenski rad na označavanju i unošenju podataka u pripremljeni softver i izdavanje adekvatnih rješenja.

CALL centar – CALL centar je alat kojim se omogućava građanima da anonimno prijavljuju probleme sa kojima se susreću, od problema na infrastrukturi do problema u ostvarivanju svojih prava, odnosa uposlenih lokalne uprave, ali i probleme u zajednici na koje općina ima uticaja (JU i JP). Prijave su anonimne i obrađuju se sa povratnom informacijom u roku od 72 sata. Ovaj alat je istovremeno i prevencija korupcije. Postoji besplatna telefonska linija, za call centar **0800 234 55**. U 2015. godini je riješeno 35 slučajeva, 2 poziva su u procesu

rješavanja Najveći broj prijava odnosio na komunalnu djelatnost putem komunalnog preduzeća ili službe za finansije i komunalne poslove.

REALIZACIJA STRATEŠKIH DOKUMENATA


Na početku 2015. godine, iz postojećih strateških dokumenata izdvojeni su projekti za prioritetnu realizaciju u prethodnoj godini, ukupno **27 projekta**. Svaki od projekata/ciljeva je imao svog menadžera, koji je periodično izvještavao o realizaciji planiranog. Više o realizaciji strateških dokumenata i stepenu postignuća na dostizanju ciljeva Vijeće će biti informisano kroz, zasebnu, **Informaciju** o realizaciji Strategije općine Tešanj u 2015. godini. Osim toga u razvojnom smislu realizirana je Lista kapitalnih projekata za 2015. godinu u iznosu od 1.230.383 KM, sa 36 završenih i 4 ugovorena projekta.

BUDŽET OPĆINE TEŠANJ

Priprema i realizacija Budžeta općine Tešanj kao jedna od važnijih aktivnosti bila je pravovremena i dosljedna, pokazujući stabilnost. Svi budžetski dokumenti (nacrt, kvartalni i polugodišnji izvještaj – ukupno 4) pripremljeni su na vrijeme i realizovani s visokim stepenom odgovornosti i pažnje. Realizovan je najveći budžet do sada cca. **15 miliona KM** sa visokim učešćem IPA fondova, a pored toga je investirano cca 800.000 KM u javnu infrastrukturu, koje po pravilima donatora nisu transferirana kroz budžet općine, nego direktno (donator-izvođač). Provedeno je **97** postupaka javne nabavke različite finansijske vrijednosti i postupka provođenja (otvoreni, konkurentski, direktni i pregovarački postupci). Nemamo aktivnih predmeta žalbi ili upravnih sporova po javnim nabavkama. Od 2015. godine najveći dio izvještaja i obavještenja nalazi se na općinskoj web stranici.


EKONOMIJA I POSLOVNO OKRUŽENJE

Ekonomski pokazatelji govore da je ekonomija općine Tešanj imala rast i u 2015 godini, to je već šesta godina u nizu. Rast je prisutan u pogledu broja zaposlenih i smanjenju broja nezaposlenih. Atraktivnost općine u pogledu poslovnog ambijenta, rada već dokazanih privrednih subjekata, kao i mogućnosti i pogodnosti koje u tom pogledu postoje, već je prepoznata u okruženju, kod domaćih i međunarodnih investitora i domaćih i međunarodnih institucija i organizacija.



Na području Općine posluje **2.345 poslovnih subjekata** (+90 u odnosu na 2014.) i to 883 pravnih lica (+39 u odnosu na 2014.), 470 poslovnih jedinica (+30 u odnosu na 2014.) u sastavu pravnih lica i 992 poslovnih subjekata u oblasti male privrede (+21 u odnosu na 2014.). Od ukupno evidentiranih poslovnih subjekata tokom 2015. godine registrirano je **98** u oblasti samostalnog privređivanja (trgovina-19, obrt-66, ugostiteljstvo-11, prijevoz-2) dok je izvršena registracija 40 pravnih lica. Prosječan broj poslovnih subjekata na 1000 stanovnika je **48,85**, što je iznad prosjeka Zeničko-dobojskog kantona.

Prema podacima od 30.09.2015. godine, broj zaposlenih na području općine Tešanj je iznosio **10.831 lice**¹. Ovo je povećanje za 753 zaposlena u prvih devet mjeseci 2015. godine, dok to povećanje gledajući u odnosu na 1991. godinu (6978 zaposlenih na području općine) iznosi čak 3.859 više zaposlenih nego 1991. godine. Ovo je povećanje od 20,3% u odnosu na 2012 i 55,2% u odnosu na 1991. godinu.



S druge strane, broj nezaposlenih pada i prema posljednjih podacima od 31.12.2015. godine iznosio je 7.382 nezaposleno lice². To je 408 manje nezaposlenih u odnosu na 31.12.2014. godine. Procentualno izraženo, to je **5,23 % manje nezaposlenih** tokom 2015. godine. Ovo je najniži broj nezaposlenih u posljednjih šest godina, za čak 778 lica manje nezaposlenih nego 2013. godine na području općine Tešanj. Unutar Zeničko-dobojskog kantona Tešanj ima najmanji procenat nezaposlenih, svejedno što je učešće radne snage (zaposleni+nezaposleni) u odnosu na popisani broj

stanovnika najveći u ZDK (radno aktivno stanovništvo 15-64 iznosi 73% i među prvih pet je u FBiH).

Rang razvijenosti FBiH po općinama 2014. godine mjereno osnovnim ekonomskim pokazateljima stepenom zaposlenosti, nezaposlenosti, GDP po glavi stanovnika, broju učenika u osnovnim i srednjim školama na 1000 stanovnika itd, svrstava Općinu Tešanj na **7. mjesto** razvijenosti u FBiH među 79 općina i gradova (2007. -35. mjesto, 2011. i 2012. -11. mjesto, 2013. -10. mjesto)³. Robna razmjena tešanjске privrede za prvih 9 mjeseci u 2015. godini, govori da je izvezeno roba i usluga u vrijednosti od 255.350.127 KM na tržište **više od 50 država**, a istovremeno je uvezeno roba i usluga u vrijednosti od 251.637.301 KM sa tržišta više od 40 država širom svijeta. Pokrivenost izvoza uvozom iznosi **101,48%**. Njemačka, Italija i Slovenija čine cca. 70% izvoza tešanjске privrede.

Jedan od uslova za stabilan i konstantan lokalni ekonomski rast svakako je i povoljno poslovno okruženje. Općina Tešanj konstantno ulaže budžetska sredstva za unapređenje poslovne infrastrukture i poboljšanje uslova za poslovanje. Povoljni uslovi za poslovanje se ogledaju u obezbijeđenoj poslovnoj infrastrukturi i uslovima poslovanja kao i efikasnoj općinskoj administraciji koja je posvećena i na usluzi poslovnom sektoru.

- Općina Tešanj u namjeri jačanja komunikacije javnog i privatnog sektora formirala je Savjet za lokalni ekonomski razvoj (SLER). Savjet za lokalni ekonomski razvoj (SLER) je od svog formiranja održao je 4 sjednice na kojima je predloženo **19 inicijativa**. O toga 12 je implementirano, 5 je u fazi implementacije, jedna nije provodiva, jedna nije implementirana, a jedna će biti razmatrana na jednoj od narednih sjednica SLER-a. Članovi SLER-a su u dosadašnjem radu iskazali veliku zainteresiranost za unapređenje cjelokupnog ambijenta u lokalnoj zajednici. U 2016. godini planirano je da se održe 4 sjednice za koje su već identifikovane teme koje će biti razmatrane.
- Općina Tešanj je među prvima u Bosni i Hercegovini ponudila zemljište bez naknade, bez naknade za uređenje građevinskog zemljišta i administrativnih troškova prema Općini. Općina Tešanj je nastavila da realizuje i prati primjenu Odluke o pogodnostima za investiranje u poslovnoj zoni Bukva, kroz dodjelu zemljišta bez naknade i administrativnih troškova prema Općini. Tokom 2015. godine pratila se realizacija

¹ Podaci Federalnog zavoda za statistiku (dostupno na <http://fzs.ba/>) iz publikacija Mjesečni statistički pregled FBiH po kantonima za decembar 2015.

² Podatak Zavoda za zapošljavanje odjel Tešanj za 31.12.2015. godinu

³ <http://www.fzzpr.gov.ba/> - podaci iz godišnjih izvještaja

3 ugovora i to sa SGI Tehnology, B&M Comerc i Socksmaker 3. Općinsko vijeće Tešanj detaljno je informisano (36. sjednica OV Tešanj) o primjeni ovog modela podrške poslovanju i zapošljavanju, primjeni postojećih ugovora i efektima od trenutno **96** novih radnih mjesta.

c) **Poslovna infrastruktura –**

- Tokom 2015. godine izvršeno je prosijecanje nove trase saobraćajnice u Poslovnoj zoni **Glinište** širine 12 i u dužini od **755 metara**, odnosno na cijeloj dionici za koju su bili riješeni imovinsko-pravni odnosi. Projekat je finansiran od Fondacije za održivi razvoj i općine Tešanj u iznosu od 113.464 KM;
- Okončana je izrada projektne dokumentacije za regulaciju korita Radušice kroz poslovnu zonu Glinište. Izrada projektne dokumentacije kandidovana prema kantonalnom ministarstvu, sredstva za refundaciju odobrena;
- U toku je proces eksproprijacije za ostatak puta od **455 m**, sa širinom za uređeno riječno korito.
- U poslovnoj zoni **Bukva** realizirana je izgradnja nove faze treće trake u dužini od **337 m** vrijednosti 179.984 KM. Uz podršku budžeta Općine Tešanj, projekt kandidiran za sredstva Federalnog ministarstva razvoja, poduzetništva i obrta i u cijelosti realiziran u planiranim rokovima.;
- Osim toga u poslovnoj zoni uz radove na izgradnji primarnih vodovoda kanalizacije realaizirana još jedna faza treće trake u dužini oko **230 m**, bez gornje presvlake Vrijednost cca 80.000 KM;
- U poslovnoj zoni **Ciglana** realiziran je projekat uređenja sa Liste kapitalnih ulaganja;
- Kandidovan i **odobren** je projekat za gradnju treće trake u 2016. godini. Sredstva su odobrena u iznosu novih 150.000 KM te će uz podršku općinskog budžeta 50.000 KM projekat biti realiziran u 2016. godini, čime će biti završena gradnja treće trake u poslovnoj zoni Bukva;
- Položene su **instalacije** za gradnju rasvjete u poslovnoj zoni Bukva, uz radove koje je izvodila elektrodistribucija na novoj trafo-stanici.

d) **Saradnja** sa Udruženjem privrednika i privrednicima, zanatlijama i potencijalnim investitorima ostvarivala se u duhu otvorene i neposredne saradnje. Održavani su tematski sastanci, a Općinski načelnik je tokom godine posjećivao poslovne subjekte u različitim prilikama (planiranje investicija, poslovni rezultati i dr.)

e) **BFC SEE – BUSSINES FRIENDLY CERTIFIKATE** - Nakon petnaest mjeseci postupaka i procesa, krajem godine odlukom Regionalnog vijeća jednoglasno je potvrđena pozitivna ocjena komisije i Odobren BFC certifikat za Općinu Tešanj. Svečana dodjela certifikata za povoljno poslovno okruženje bit će upriličena na Regionalnoj konferenciji početkom februara u Crnoj Gori.

Općina Tešanj se opredjelila za učešće u regionalnom programu Certifikacija općina i gradova sa povoljnim poslovnim okruženjem u jugoistočnoj Evropi (BFC SEE) jer je htjela da ojača kapacitete za uspostavljanje kvalitetnog ambijenta za poslovanje i unapredi konkurentnost općine u privlačenju investicija, te podstakne razvoj privrede. Tešanj ovim očekuje regionalni rang **konkurentnosti** i kvaliteta usluga koji pruža investitorima i privrednicima za unapređenje poslovanja, kao i priliku da učestvuje u regionalnoj razmjeni najboljih praksi. Time se pozicionira kao najnapredniji u regionu i kvalificira za podršku donatora te aktivniju promociju na regionalnom i međunarodnom nivou.

Ocjena je uključivala niz kriterija, od strateškog planiranja i realizacije strategije, dijaloga javnog i privatnog sektora, razvoja elektronske uprave, upravljanja budžetom, brzine i kvaliteta administrativnih usluga itd. **Ocjena 94,6** od mogućih 100 je do sada najveća ocjena od svih općina u regiji (R. Hrvatska, R Srbija, BiH, Makedonija) koje su prošle ovaj proces i pokazuje da smo prostor koji je prijateljski posvećen kako stranim tako i domaćim investitorima.

EKOLOGIJA I OKOLIŠ

Otpadne vode – Tokom 2015. godine u segmentu zbrinjavanja otpadnih voda odvijale su se brojne i dinamične aktivnosti. Projekat izgradnje novog sistema prikupljanja, odvodnje i prečišćavanja otpadnih voda je ušao u fazu u kojoj su izvođeni građevinski radovi. Kratak pregled glavnih aktivnosti koje su realizirane tokom godine:

- Završena revizija glavnog projekta primarne mreže;
- Provedena javna nabavka i ugovorena izrada glavnog projekta sekundarne mreže i kućnih priključaka⁴. Projektovanje je **u toku**;
- **Završena** izrada Studije izvodivosti za projekat izgradnje centralnog postrojenja za prečišćavanje otpadnih voda za tri općine: Doboj Jug, Tešanj, Usora⁵. Studija je predstavljena svim općinama;
- Predložena i donesena **Odluka** o utvrđivanju posebnog interesa za gradnju postrojenja, te započet proces potpune eksproprijacije;
- Pokrenut proces izrade projektnog zadatka i ugovaranja izrade idejnog projekta izgradnje postrojenja za tretman otpadnih voda;
- Obezbijeđene potrebne dozvole za gradnju prve dionice (imovinsko-pravni odnosi, potrebne saglasnosti...);
- Ugovorena i realizovana izgradnja prve dionice primarnih kanalizacionih kolektora (KP Rad-Novo Selo) dužine cca **7 km**, uz dio sekundarne mreže (Titova ulica). Vrijednost izvedenih radova cca **2,7 miliona KM**⁶ (bez PDV-a), uz značajno učešće donatorskih sredstava;
- **Pripremljen** najveći dio potrebnih saglasnosti za dozvole za gradnju druge dionice primarnih kanalizacionih kolektora (Mračaj-Žabljak; Tešanjka-Kraševo);
- Pripremljen tender za radove na drugoj dionici primarnih kanalizacionih kolektora...

Svaka od ovih pojedinačnih aktivnosti je shodno obimu projekta, ali i kompleksnosti izgradnje kanalizacionog sistema (od projektovanja do izvođenja) i načinu vođenja (uključenost brojnih institucija u FBiH i EU), svojevrsna je cjelina i predstavlja značajan posao.

Aktivnosti na projektu se nastavljaju i u 2016. godini (završetak projektovanja mreže, projektovanje uređaja, imovinsko-pravni odnosi za mrežu i uređaj, obezbjeđenje dozvola, ugovaranje i izvođenje dijela radova).

Vodosnabdijevanje – Razvoj novih vodovodnih sistema je redovna aktivnost općine Tešanj. U 2015. godini realizovano je slijedeće:

- Realizovana II faza rekonstrukcije cjevovoda u ulici Alipaše Hećimovića, zamjena azbestnih cijevi, (55.000 KM)
- Urađen projekat vodovoda za Dž. Planje (cca 15.000 KM),
- Realizovana **dva ugovora** na vodovodu Medakovo-Trepče i potpisan treći (ukupno cca 480.000 KM),
- Završena izgradnja **drugog** rezervoara na vodovodu Tepe-Hrvatanići (cca 60.000 KM),
- Ugovorena realizacija proširenja vodovoda u Joldićima (MZ Tešanj)
- Realizovan veći dio projekta vodovoda Roše (cca 480.000 KM), preostalo učešće građana
- Urađena **rekonstrukcija** vodovodne mreže u Titovoj ulici u Tešnju i dio ispred Doma kulture (zamjena azbestno-cementnih cijevi), (60.000 KM),

Upravljanje otpadom – Prikupljanje otpada o otpadu u zemljama Jugoistočne Evrope – Projekat se odvijao u četiri države Jugoistočne Evrope (BiH, Srbija, Crna Gora, Makedonija). Implementaciju projekta Njemačka agencija za međunarodni razvoj (GIZ) putem Otvorenog regionalnog fonda za modernizaciju

⁴ Vrijednost cca 120.000 KM

⁵ Studija je finansirana od Fonda za zaštitu okoliša

⁶ Precizni iznosi će biti navedeni kroz Izvještaj o izvršenju budžeta općine Tešanj za 2015. godinu

općinskih/gradskih usluga (ORF MMS) i uz podršku Švicarske agencije za razvoj i saradnju (SDC). Iz svake od država dolaze četiri općine sa četiri komunalna preduzeća. Općina Tešanj i KP Rad učestvovala su projektu iz Bosne i Hercegovine (uz općine Cazin, Prijedor i Bijeljino). U četiri godišnja doba mjeren je i analiziran sastav komunalnog otpada radi efikasnosti u upravljanju otpadom, biti će dodijeljen i implementiran softver za upravljanje otpadom, te će se realizirati i neke druge aktivnosti.

Aktivno je provedena projekat skupljanja i zbrinjavanja PET ambalaže u kojem učestvuju UG Eko mladi, KP Rad, sve osnovne i srednje škole općine Tešanj. Obilježeno je **šest godina projekta sakupljanja i reciklaže PET ambalaže** (prigodnim programom, poklonima za učenike i škole).

Putem javnog poziva općina Tešanj je za 2015. godinu kod Federalnog ministarstva okoliša i turizma obezbijedila sredstva cca 55.000 KM za projektovanje zatvaranja deponije komunalnog otpada u Bukvi. Projektovanje je **ugovoreno** i započelo u 2015. godini uključanjem KP Rad u vođenje procesa. Osim toga u kasnijem javnom pozivu ministarstva obezbijedena su sredstva od 35.000 za još jednu fazu projektovanja, koja će biti realizirana tokom 2016. godine. Ranije potvrđenim dokumentom od federanog ministarstva usvojen je plan za zatvaranje deponije do 2028. godine. Do tada bi u potpunosti trebala funkcionisati regionalna deponija u Doboju. Nažalost, aktivnosti na izgradnji **regionalne deponije** u Doboju nemaju poseban intenzitet, naročito su i neke okolnosti promijenjene nakon poplava u 2014. godini.

Tokom 2015. godine općina je uspostavila kontakte sa **operaterima** ambalažnog otpada u FBiH, Eko-pak i Eko život. Eko život je donirao kontejnere za selektivno prikupljanje otpada, a sa Eko-pak-om su razgovori u toku za uspostavu većeg broja eko-ostrva.

Prirodna nesreća 2014 i posljedice - Nakon prirodne nesreće koja je 2014. godine pogodila područje općine Tešanj, u 2015. godini se nastavilo sa sistemskim pristupom sanacije nastalih posljedica, kako na društvenoj infrastrukturi, tako i na privatnim objektima. Kroz **dva javna poziva** za dodjelu sredstava za sanaciju stambenih objekata (jedan prenijet iz 2014. godine), jedan javni poziv za izgradnju stambenog objekta, te kroz pomoć u stvaranju uslova za izgradnju objekata dodijeljeno je 250.760 KM, o čega 179.558 KM za sanaciju stambenih objekata, a 71.202 KM na izgradnju stambenih objekata. Sredstva su osigurana u Budžetu Općine Tešanj u iznosu od 171.844 KM i sredstva viših organa vlasti, Fonda za pomoć F BiH u visini od 78.916 KM. Za sanaciju poslovnih objekata dodijeljeno je 12.000 KM osiguranih od Vlade ZDK putem javnog poziva, a za sanaciju putne infrastrukture općini Tešanj su od strane Kantonalne uprave civilne zaštite ZDK dodijeljena sredstva u visini od 15.000 KM. U 2015. godini je izvršen **monitoring** i sačinjen katastar klizišta kojim je utvrđen konačan broj od **280 klizišta**. Katastar klizišta je implementiran kroz geoinformacioni sistem radi lakšeg i efikasnijeg praćenja. Izdvojeni su prioriteti sanacije za 2015. godinu, a u Budžetu Općine je ukupno 130.000 KM, od čega 100.000 KM namjenskih sredstava za otklanjanje posljedica prirodne nesreće i 30.000 KM sa stavke preventivnih mjera zaštite i spašavanja. Izvršena je sanacija **23 klizišta** u ukupnom iznosu od 129.057 KM.

Provođenje preventivnih mjera zaštite od poplava tokom 2015. godine realizovan je u skladu sa Planom mjera zaštite od poplava. Aktivnosti su vođene u MZ Tešanjka, Medakovo, Novo Selo, Bukva, Vukovo, Rosulje, Bobare-Drinčići-Blaževci, Jelah i Dobropolje-Mekiš. Provođenje mjera se odnosilo na čišćenje, produbljavanje i uređenje vodotoka, te izgradnju obaloutvrda na mjestima koja predstavljaju prijetnju dalje erozije obala i zemljišta. Ukupno je očišćeno **3.255** metara vodotoka i uređeno **562,5** metara obaloutvrda. Za realizaciju navedenih aktivnosti utrošeno je 32.728 KM sredstava posebne naknade za preventivne mjere zaštite i spašavanja.

Okoliš - Tokom 2015. godine kontinuirano je nastavljeno mjerenje zagađenosti zraka na području općine Tešanj. Mjerenje je izvršeno na području MZ Miljanovci (u Lončarima) u periodu od 19.05. do 22.06.2015.

godine, kojim je utvrđeno da nema prekoračenja graničnih vrijednosti polutanata. **Mjerenje** je izvršeno u Miljanovcima, kako bi se zabilježile trenutne vrijednosti kvaliteta zraka prije početka rada Termelektrane Stanari (koja je u decembru 2015. godine počela sa radom). Mjerenje kvaliteta zraka se provodi od 2011. godine i provodi ga **Metalurški institut "Kemal Kapetanović"** Zenica u saradnji sa Općinom Tešanj. Pored navedenih mjerenja periodično se vrši mjerenje zagađenosti zemlje i biljaka, koje provodi Federalni zavod za agropedologiju Sarajevo na zahtjev i uz finansiranje od općine Tešanj.

| Vrsta mjerenja | Godina | Lokacija |
|----------------|--------|---|
| Zrak | 2011 | Bukva |
| | 2012 | Bukva |
| | 2013 | Tešanj (JP "Rad") |
| | 2015 | Miljanovci |
| Zemljište | 2012 | 1. Bukva (2 lokacije) 2. Novo Selo 3. Jelah i 4. Jelah polje |
| | 2014 | 1. Šije 2. Jelah polje |
| Biljke | 2013 | 1. Jevadžije (2 lokacije) 2. Bukva |
| | 2014 | 1. Jevadžije 2. Miljanovci |

Drugo

- U saradnji sa **Agencijom** za vodno područje rijeke Save realiziran je dio uređenja obale rijeke Usore u Jelahu. Zbog ograničenja u finansijskom smislu nisu realizirani svi predloženi projekti. U decembru mjesecu je potpisan još jedan ugovor sa Agencijom za uređenje obale Usore u Kaloševiću. Ukupna vrijednost u 2015. godini cca 150.000 KM.
- Usaglašena je aktivnost sa **Ministarstvom** poljoprivrede, vodoprivrede i šumarstva, Mješovitom srednjom školom i općinom Tešanj za izgradnju još jednog staklenika pored poljoprivredne škole. Učenici sa profesorima već pripremaju sadni materijal cvijeća za **općinu Tešanj**.
- U nekoliko navrata je vršeno čišćenje putnog pojasa od otpada, naročito na frekventnijim saobraćajnicama.
- Tokom 2015 godine očišćeno 22 lokacije divljih deponija u 14 MZ i odvezeno 205 m³ smeća.

MLADI

Mladi su imali različite oblike podrške i u 2015. godini:

Stipendije svima je aktivnost koja je nastavljena i u 2015. godini. Na Konkurs za dodjelu općinske stipendije u 2014/2015.godini bilo je ukupno 496 prijava, a nakon provedenog postupka imenovane komisije, broj zaključenih ugovora općine o stipendiranju studenata u 2015. godini je **426**. Općina je pravovremeno isplatila sve stipendije, te objavila javni poziv za akademsku 2015/2016 godinu. Proces je u toku, a prijavljeno je **463** kandidata.

Podržavali smo predškolski odgoj novčanim podsticajima, a osnovne i srednje škole kroz podršku u materijalnom obezbjeđenju osnovnih potreba. Svim „prvačićima“ (**559**) na početku školske godine obezbijeđen je poklon paket u školskom priboru.

Općina je finansirala sva školska takmičenja u znanju (matematika, fizika, engleski jezik, vjeronauka) i sportu (nogomet, košarka, rukomet, odbojka). Krajem nastavne godine organiziran je prijem za **73** najbolja učenika. Tešanjski je uključen u Sportske igre mladih. Podržana je razmjena učenika općine Tešanj sa učenicima iz Podrinja, a podrška je pružena i saradnji mladih sa Turskom i Švicarskom. Nastavljena je realizacija projekta Omladinska banka u saradnji sa fondacijom Mozaik.

Podrška poduzetnim mladim ljudima je nastavljena petu godinu za redom, te je kroz javni poziv podržano 7 mladih u pokretanju vlastitog biznisa, i to kroz registraciju poslovnih aktivnosti, doprinose u prvoj godini poslovanja, zakup prostora u prve tri godine poslovanja. Ukupnoj vrijednost podrške Općine Tešanj je 52.000 KM. Općina Tešanj je ovim pristupom podrške kroz pet godina (2010-2015) direktno podržala registraciju **31** poslovnog subjekta i zapošljavanje 39 mladih ljudi, te indirektno zapošljavanje 15 mladih, što je ukupno **54** novih radnih mjesta za mlade. Od 31 poslovnog subjekta **29** i dalje uspješno rade i posluju.

KULTURA I NASLIJEĐE

Područje kulture će biti tretirano kroz izvještaje triju javnih ustanova koje djeluju u području kulture i informaciju o radu udruženja građana i Općinsko vijeće će imati priliku da na taj način raspravlja na ovu temu. Nastavljeno je kontinuirano djelovanje, uz neke rezultate koji 2015-tu godinu čine izuzetno uspješnom u ovoj oblasti. Treba naglasiti da su u prethodnoj godini organizirane 3 općinske kulturne manifestacije kojima su obilježeni značajni datumi za općinu Tešanj (utvrđeni Statutom općine), te da je općina podupirala i druge javne i kulturne sadržaje koje su organizirala udruženja građana ili mjesne zajednice. U općinskim manifestacijama organizirano je **7** koncerata, **10** izložbi, **3** pozorišne predstave, **21** promocije i javne tribine, **7** turnira...

Odlukom o obilježavanju značajnih datuma za općinu Tešanj definisane su aktivnosti koje su provođene i u 2015. godini putem mjesnih zajednica, udruženja i ustanova. Treba reći da su prigodno obilježeni državni praznici, općinski značajni datumi (4. april, 9. septembar i 10. decembar), te drugi značajni datumi (godišnjice formiranja jedinica, brigada i OG 7 jug i sl.), te su u okviru toga uređene i neke lokacije (Crni Vrh, Hrastik, Vis...). Sadržaji koji su bili otvorenog karaktera imali su značajnu posjetu.

U institucionalnom i infrastrukturnom smislu posebno značajni za područje kulture je dovršetak izgradnje novog objekta Biblioteke. Projekat koji je bio dugogodišnja težnja, a onda i dio strateškog plana, obezbijedio je infrastrukturne pretpostavke daljem razvoju bibliotekarstva u Tešnju. Više o tome sadržavat će Informacija o realizaciji strategije.

POLJOPRIVREDA

Na području naše općine, zastupljeni su različiti vidovi poljoprivredne proizvodnje, a u stočarskoj proizvodnji i dalje je najrazvijenije govedarstvo odnosno proizvodnja mlijeka kojom se bavi najveći broj gazdinstava. Otkup mlijeka od proizvođača vrši pet otkuplivača/prerađivača mlijeka a oko 900 gazdinstava ima sklopljen ugovor o otkupu mlijeka. Uz proizvodnju mlijeka prisutni su i razvijaju se i drugi vidovi poljoprivredne proizvodnje o čemu će vijeće biti upoznato kroz posebnu Informaciju. Gazdinstva koja apliciraju na neki od poticaja u poljoprivredi imaju obavezu upisa u Registar poljoprivrednih gazdinstava i Registar klijenata, i do sada je upisano **1597** gazdinstava. Treba istaći da općina Tešanj od 2006. godine izdvaja budžetska sredstva za razvoj poljoprivrede i daje značajnu podršku poljoprivrednoj proizvodnji, i do sada je utrošeno oko 2.600.000. KM na novčane poticaje poljoprivredi.

Za 2015. godinu oblasti animalne proizvodnje za 338 gazdinstava odobren je poticaj proizvodnji mlijeka, za 43 poticaj pčelarstvu, za tov junadi 39 i 7 za tov pilića. U oblasti biljne proizvodnje ujednačen je broj gazdinstava za poticaj proizvodnji u plastenicima i poticaj proizvodnji povrća za otkup i to po 58 gazdinstava,

28 za povrće na otvorenom i 9 proizvodnja voća za otkup. Ukupno za 2015. godinu za 526 podnosilaca isplaćeno je 312.949 KM poljoprivrednih podsticaja. Pored ovog oblika podrške općina Tešanj je podržala nastup dijela poljoprivrednih proizvođača na sajmovima, određene oblike edukacije, izbor najuspješnijih poljoprivrednika, ... Putem Agencije za razvoj nastavljena je realizacija projekta sa jagodičastim voćem, te su kandidovani još neki projekti čije konačno odobranje očekujemo. O tome će više biti riječi u izvještaju o radu Agencije za razvoj.

Realizacijom određenih privatnih investicija (otkupna stanica, hladnjača, farma...) koje procjenjujemo na preko 5 miliona KM (AS, MADI, ...), i koje su imale i vezu sa općinom Tešanj (odluke iz 2015. godine), očekujemo značajno poboljšanje u području poljoprivrede. O razvoju poljoprivrede na području naše općine, Općinsko vijeće će biti upoznato kroz Informaciju o stanju u poljoprivredi i izvještaj realizaciji Programa novčanih poticaja u 2015. godini.

KOMUNALNA INFRASTRUKTURA I SAOBRAĆAJ

Saobraćajna infrastruktura

Na prostoru općine ukupno je 479 kilometara cesta različitih kategorija. U općinskoj nadležnosti bilo je ljetno i zimsko održavanje na lokalnim i nekategorisanim cestama. Ukupno je održavano 231 km asfaltnih i 197 km makadamskih cesta. O gradnji i uređenju saobraćajne infrastrukture biće riječi u Izvještaju o realizaciji Liste kapitalnih ulaganja za 2014. godinu.

Javna rasvjeta

Odlukom o javnoj rasvjeti kojom su propisani tehnički elementi po pitanju izgradnje i održavanja objekata javne rasvjete, uveden je red u ovoj oblasti. Mjesne zajednice su i dalje te koje finansiraju rasvjetu a općina plaća utrošak električne energije.

- Svi stubovi su numerirani i adekvatno označeni. Stubovi su locirani uz pomoć GPS uređaja i uneseni u GIS (geoinformacioni sistem), te su vidljivi svima na web stranici općine.
- Trenutno se finansiraju troškovi električne energije za 3689 stubova rasvjete.
- Do sada je izvršena ugradnja 2736 štednih sijalica
- U periodu od 2013-2015 godine došlo je do proširenja mreže javne rasvjete za 700 rasvjetnih tijela po MZ-a.
- Efekti ušteda od uvođenja štednih sijalica su postignuti, jer je zamjena izvršena u cijelosti a sve nove rasvjete se već rade sa štednim sijalicama. Čak se otišlo i toliko daleko da imamo intervencije da se vrate 250w i 125w živine sijalice umjesto štednih jer ne daju dovoljno svjetlosti u urbanim naseljima.
- Ostvareno je nekoliko kontakata za ugradnju LED rasvjetnih tijela primjenom ESCO modela, međutim zbog niskih trenutnih troškova el. energije nije došlo do primjene ovog oblika JPP.

| | Proširenje mreže | Potrošnja u KM | Potrošnja u kw |
|-------|---|----------------|----------------|
| 2012. | Sa proširenjem mreže: O Planje, Dobropolje | 176.875,89 KM | 903917,00 kw |
| 2013. | Sa proširenjem mreže: O. Planje | 162.128,99 KM | 834885,54 kw |
| 2014. | Sa proširenjem mreže: Mrkotić, Jablanica, Piljužići, Miljanovci | 163.892,44 KM | 804379,51 kw |
| 2015. | Sa proširenjem mreže: Mrkotić, Jablanica, Piljužići, Miljanovci | 176.367,79 KM | 859369,78 kw |

Komunalna higijena i uređenje javnih površina

Program komunalne higijene najvećim dijelom se realizuje kroz godišnji ugovor sa JP "RAD" Tešanj. Za ovaj obuhvat potrošeno je 265.000 KM.

Javne površine koje nisu obuhvaćene Ugovorom sa JP "RAD", uređenje i održavanje je realizovano uz angažovanje 25 radnika zaposlenih na tri mjeseca putem Federalnog zavoda za zapošljavanje, a postupak išao preko kantonalne službe za zapošljavanje u Zenici što se tiče plaća i dobrinosa na plaću, a općina je finansirala topli obrok i prijevoz.

Proljetno uređenje rađeno je uz dodatno angažovanje učenika i osoba putem agencije. Provedeno je više akcija na čišćenju putnih pojasa te obala rijeke Tešanjke od niskog rastinja i smeća. Nabavljene su i postavljene nove korpe u Tešnju dok je u Jelahu i Tešanjci izvršena dopuna korpi za smeće iz postojećih rezervi. Kroz programe proljetnog i jesenskog uređenja, zasađene su sve planirane javne površine i žardinjere sa cvijećem, urađeno farbanje i popravak klupa, drvenih žardinjera, betonskih vazni i žardinjera, javnih česmi. Uzimaju se uzorci vode i radi analiza kvartalno, i po potrebi interveniše sa klorom ili na drugi način po preporuci sanitarnog inspektora.

Izgrađeno je 7 autobusnih nastrešnica i to: Orašje Planje, Jevadžije, Dobropolje, Mračaj, Trepče, Bobare Drinčići Blaževci i Piljužići Križ. U sanaciju autobusnih nastrešnica, dječijih igrališta i ograda utrošeno je oko 18.000 KM.

JAVNA PREDUZEĆA I USTANOVE

Općina je osnivač 8 javnih ustanova i 3 javna preduzeća. Općinski načelnik imao je putem nadležnih službi ili direktno saradnju sa Nadzornim i Upravnim odborima. Svaka javna ustanova i preduzeće imalo usaglašene godišnje ciljeve rada. Javne ustanove i preduzeća su dostavljale kopije zapisnika sa 52 sjednice upravnih i 26 sjednica nadzornih odbora (JP Rad-8, JP Toplana-10 i JP TRA-8). O radu javnih ustanova i preduzeća Vijeće će se detaljno informisati putem Informacije o radu javnih ustanova i Izvještaja preduzeća.

MJESNE ZAJEDNICE

Organi mjesnih zajednica tokom 2015. godine obavljali redovnih aktivnosti za koje su birani (pružanje usluga građanima, prepoznavane, iniciranje, kandidovanje i praćenje realizacije kapitalnih projekata, provođenje projekata u sopstvenoj režiji, prikupljanje sredstava, itd). U prethodnoj godini komunikacija mjesnih zajednica sa organom uprave i Općinskim načelnikom bila je korektna i uspješna u granicama mogućeg. Mjesne zajednice su aktivno sudjelovale u važnijim aktivnostima općine Tešanj. Nekoliko mjesnih zajednica je napravilo značajne rezultate u obezbjeđenju učešća građana u infrastrukturnim projektima.

MZ su radile u okviru svojih ovlaštenja te održale 184 sjednica savjeta MZ ili u prosjeku 7,4 sjednica Savjeta po MZ i 35 sjednicu skupštine ili u prosjeku 1,44 sjednice po MZ-ci, sa ukupno donesenih 815 odluka i 399 zaključaka koji su redovno dostavljani općini na uvid⁷. Ukupno 517 članova organa MZ-aktivista bili su inicijatori i podrška brojnih aktivnosti.

Izvršen izbor sekretara u četiri MZ. Zamjena predsjednika Savjeta nije bilo, a pet članova savjeta je

⁷ Podaci o broju Odluka i zaključaka korišteni iz dostavljenih zapisnika o održanim sjednicama.

promijenjeno u (mjesnim zajednicama Šije, Karadaglije, Kalošević). Zamijenjena je **jedan predsjednik Skupštine** (Trepče). Obustava uplata od općine je primijenjena u jednom slučaju za jednu mjesnu zajednicu. Stalna koordinacija sa knjigovodstvenim servisom u cilju dostizanja višeg nivoa zakonitosti u trošenju sredstava i izvještavanju o istim.

U 2015. godini realiziran je plan edukacije predsjednika savjeta i sekretara mjesnih zajednica, sa obradom 16 najkorisnijih tema u 13 termina. Prisustvo sekretara edukacijama je na nivou **81 %** ili 20,23 prisutnih sekretara po terminu edukacije.

Informacija o radu mjesnih zajednica za 2015.godinu (nakon završnih računa) će sadržavati detaljniji pregled rada mjesnih zajednica.

NVO

Općina je putem javnog poziva finansirala **39 projekata udruženja građana** (kultura 6, sport 22, ostali 11) u 2015. godini. Osim toga općina Tešanj je za udruženja od posebnog interesa (definisana Odlukom Općinskog vijeća) obezbijedila podršku u njihovom radu. O tome će Općinsko vijeće posebno biti informisano kroz Informaciju o radu udruženja građana, na jednoj od narednih sjednica.

Realizovani su neki značajniji sadržaji poput: gostovanja **rukometne reprezentacije BiH**, izbora sportiste godine, brojnih pojedinačnih sportskih turnira, izložbe sitnih životinja, te brojni projekti u kulturi, ekologiji i drugim područjima. Udruženja su doprinosila ukupnom kvalitetu življenja djelujući u različitim oblastima rada, od humanitarnog (građenja stambenih objekata, podrške građanima u stanju socijalne potrebe), do sportskog (redovna ligaška takmičenja, kupovi, turniri...), kulturnog ili drugog (različiti javni događaji). Saradnja u 2015. godini se odvijala na visokom nivou i nije bilo problema.

BORAČKE POPULACIJE

Općina nema neposrednu nadležnost u području ostvarivanju prava boračke populacije, ima samo prenesene nadležnosti/obaveze viših nivoa vlasti (kantona i federacije) da servisira obaveze iz njihovih nadležnosti, ali jesmo zainteresovani za prilike u kojima ova populacija živi. Općina je radila po nalogima kantona određene poslove, dajući i sama podršku (predviđenu kroz Budžet) da se dio problema boračke populacije umanju ili riješi. Redovno su servisirane obaveze prema korisnicima porodične i lične invalidnine od čega je 608 korisnika lične invalidnine (RVI) i korisnika porodične invalidnine (šehidske porodice) gdje je FBiH uredno isplaćivala obaveze (ukupno oko 325.000 KM na mjesečnom nivou).

U proteklih godinu dana situacija se značajno poboljšala u finansiranju obaveza i dugova iz prethodnih godina za zaonska prava. U februaru 2015. godine ti iznosi su bili oko 500.000 KM dok su danas skoro sve obaveze isplaćene i gotovo da nemamo zaostalih neizmirenih obaveza prema boračkim populacijama. U 2015. godini je Ministarstvo za boračka pitanja ZDK putem Službe za BIZ objavilo javni poziv za zasad malina a u cilju pomoći boračkoj populaciji te su odobrena i isplaćena sredstva u iznosu od 19.200 KM za 9 korisnika koji su se javili na javni poziv.

Isplaćene su obaveze za pomoć u stambenom zbrinjavanju iz 2011. i 2012. godine, a pokrenuta je procedura i 2015. godine i u toku je rješavanje tog postupka. Redovno idu isplate za pomoć u liječenju i tešku ekonomsku situaciju od strane Ministarstva. Isplaćene su stipendije iz ranijeg perioda a sada isplate idu redovno. Sve navedeno je vidljivo iz tabele:

| Dopunska prava za 2015. godinu putem službe općine Tešanj | | | | | | | | |
|---|---------------|------------------|-------------------|---------------------|--|-----------------------------|--------------------------|----------------------|
| Naziv postupka | Broj zahtjeva | Uvaženo zahtjeva | Odbijeno zahtjeva | Neriješeno zahtjeva | Odobrena sredstva u 2015. | Dugovanja iz 2014. i ranije | Isplaćeno u 2015. godini | Neisplaćeno iz 2015. |
| JNP putem org. uprave (općinska sredstva) | 629 | 616 | 9 | 4 | 53.923,30. | - | 53.923,30 | - |
| Dodjela prehrambenog paketa (općinska sredstva) | 249 | 248 | 1 | - | 14.303,36 | - | 14.303,36 | - |
| Vanredna novčana | 221 | 211 | 10 | - | 72.500,00 | 80.900,00 | 151.400,00 | 2.000,00 |
| Zahtjev za pomoć u liječenju | 211 | 163 | 36 | 12 | 62.950,00 | 43.350,00 | 105.750,00 | 550,00 |
| Nabavka ortopedskog pomagala | 4 | 3 | - | 1 | 940,00 | 206,00 | 1.146,00 | - |
| Pomoć u nabavci udžbenika | 452 | 439 | 13 | - | 56.100,00 | - | 56.100,00 | - |
| Pomoć u stambenom zbrinjavanju (Kanton) | 112 | | | | Rješavanje u toku | 215.500,00 | 215.500,00 | Rješavanje u toku |
| Zahtjev za odobrenje stipendija | 117 | 110 | 7 | - | Trenutni dug za stip. za 2014/15 je 55.600 KM. Uplaćene su 4 stipendije a Min. je raspisalo konkurs za 2015/16. studijsku godinu | | 125.400,00 | 55.600,00 |
| Banjsko liječenje | 95 | 51 | 44 | - | - | - | - | - |
| Pomoć u snošenju troškova dženaze | 82 | 74 | 8 | - | 50.813,00 | 63.727,70 | 113.291,20 | 1.249,50 |
| Zahtjev za ličnu invalidninu | 6 | - | 6 | - | - | - | - | - |
| Zasadi malina | 10 | 8 | 2 | - | 19.200,00 | - | 19.200,00 | - |
| Zahtjev za porodičnu invalidninu | 56 | 53 | 1 | 2 | - | - | - | - |
| Zdravstveno osiguranje | 145 | 130 | 3 | 12 | - | - | - | - |
| Ukupno | 2202 | 1973 | 86 | 31 | 330.729,66 | 403.683,70 | 856.013,86 | 59.399,50 |

Općina je tokom 2015. godine saradivala sa boračkim organizacijama. Saradnja se odvijala tokom cijele godine u različitim područjima, od konkretnih poslova podrške boračkoj populaciji, do organizacije različitih sadržaja. Saradnja se može ocijeniti uspješnom.

PENZIONERI, SOCIJALNA ZAŠTITA

Koliko god općina nastojala da pomogne, rješenje problema sa kojima se susreće **4909 penzionera** (cca. 250 više od 2014) (podatak o isplaćenim penzijama za novembar 2015) sa područja općine, ne može ponuditi općina. Pensioneri sa prostora općine Tešanj čine **1,18%** populacije penzionera FBiH. Prisutno je 2513 korisnika starosnih penzija, 885 invalidskih i 1511 porodičnih penzija prostoru općine Tešanj. Struktura prava po kojima su ostvarene penzije uglavnom je na nivou prosjeka FBiH (unutar 1,5%). Prosječna penzija za mjesec novembar iznosila je **337 KM**. Općina Tešanj u trenutnim okolnostima ima među povoljnijim odnosima broja zaposlenih na broj penzionera (**2,1 zaposleni na 1 penzionera**, ZDK 1,2, FBiH 1,1).

Općina je imala intenzivnu saradnju sa Udruženjem penzionera. Putem udruženja penzionerima je pomagano kod troškova ukopa i nekih drugih troškova (o tome se Vijeće informiše posebnim Informacijama). Sva planirana i ugovorena sredstva po ovom pitanju su transferirana. Osim toga na kraju 2015. godine za **250** najugroženijih penzionera putem Udruženja dodijeljena je novčana pomoć u iznosu od 50 KM.

O raseljenim i problemima povratka, kao i socijalnoj zaštiti Općinsko vijeće se informiše kroz posebne dokumente/informacije.

DOMAĆE I MEĐUNARODNE INSTITUCIJE-SARADNJA SA DRUGIMA

Viši nivoi vlasti

Odnosi općine s višim nivoima vlasti tokom 2015. godine funkcionisali su na različitim nivoima, poslovima stvarne ili mjesne nadležnosti, prenesene nadležnosti u određenim poslovima, međusobne saradnje.

Intenzivnija saradnja je ostvarena sa: Vladom ZDK, Ministarstvom poljoprivrede, vodoprivrede i šumarstva ZDK, Federalnim ministarstvom poljoprivrede, vodoprivrede i šumarstva, Federalnim ministarstvom razvoja, poduzetništva i obrta, Ministarstvom rada i socijalne politike ZDK, Federalnim ministarstvom turizma i okoliša, Federalnim ministarstvom raseljenih i izbjeglih, Ministarstvom civilnih poslova BiH, Potpredsjednik RS-a Ramiz Salkić, te drugim institucijama: Agencijom za vodno područje rijeke Save, Direkcijom cesta ZDK, Geodetskom upravom FBiH, Fondacijom za održivi razvoj ODRAZ, JP Ceste FBiH, Fondom za zaštitu okoliša FBiH. Općinu Tešanj je tokom 2015. godine po prvi put u mandatu 2012-2016. posjetio Premijer Vlade ZDK sa dijelom Vlade.

(**NAPOMENA:** saradnja je popisana po intenzitetu iste zbog jasnijeg prikaza, ne po principu hijerarhije)...

Inicijative za izmjene zakona i zaštita prava na lokalnu samoupravu,

Tokom 2015 godine Općinski načelnik je podnio nekoliko inicijativa usmjerenih na zaštitu interesa lokalne samouprave, poboljšanje zakonodavstva koje reguliše određena pitanja od interesa za općinu Tešanj. Tako je u 2015. godini:

- Općinski načelnik podnio je **apelaciju Ustavnom sudu** za ocjenu ustavnosti Kolektivnih ugovora za lokalnu samoupravu – općinu Tešanj. Sa Sindikatom je i u 2015. godini postojao potpisan Sporazum o primjeni Kolektivnog ugovora, ali je upućena apelacija kako bi se općina zaštitila od eventualnih sudskih procesa na ime primjene Kolektivnih ugovora.
- Općinski načelnik je podnio inicijativu, te putem zastupnika u Domu naroda FBiH uputio amandman na **Zakon o igrama na sreću**. Inicijativa i amandman su se odnosili na potrebu definisanja i primjene geografskih i demografskih kriterija u otvaranju kladionica i kockarnica u FBiH. Takvi kriteriji postoje kod određenih poslova (taxi službe, apotekarstvo i sl.), pa je predloženo da se definišu i za oranizovanje igara na sreću. Osim toga inicijativa i amandman su se odnosili i na potrebu da se poveća udaljenost kockarnica i kladionica od školskih i vjerskih objekata. Premda je inicijativa dobila zvaničnu i pismenu podršku od Federalnog Saveza samostalnih sindikata uposlenih u obrazovanju, do predložene izmjene Zakona o igrama na sreću nije došlo.

- Općinski načelnik je podnio inicijativu za izmjenu **Općeg Zakona o zadrugama** u FBiH, na tragu negativnih iskustava koje općina Tešanj ima u sadašnjem radu zadruga i korištenju državne i općinske imovine od privatnih poslovnih subjekata, ne pridržavajući se stvarnog vlasništva niti vraćajući državi/općini bilo kakvih prihoda od toga.
- Općinski načelnik uputio je inicijativu za izmjenu **Zakona o javno-privatnom partnerstvu** u ZDK, tražeći zaštitu prava lokalne samouprave na samostalan izbor i odlučivanje o pripremi i realizaciji projekata javno-privatnog partnerstva od interesa lokalne samouprave. Izmjena zakona je u pripremi.
- Općinski načelnik uputio je inicijativu za izmjene propisa kojima su regulisane obaveze organa uprave za finansiranje/plaćanje uposlenih u organu uprave: Zakona o platama uposlenih u organima uprave (iz 2010 godine), Zakona o matičnim knjigama, Zakona o vatrogastvu, Zakona o inspeksijskim poslovima.

Druge i općine u okruženju

Nastavljena je saradnja sa drugim općinama. Naročito je bila prisutna intenzivna saradnja sa susjednim općinama Doboj jug i Usora (zajednički uređaj za tretman otpadnih voda i dr.), te općinama Žepče i Teslić u području mikroregije pogodne za investiranje (projekat COBEAR). Sa susjednim općinama održan je čitav niz različitih sastanaka Teslić, Doboj Jug, Usora, Žepče. **Tokom 2015. godine općinu su posjetile predstavnici ili zvanične delegacije općina: Srebrenik, Maglaj, Fojnica, Glamoč, Zavidovići, Šoštanj (R. Slovenija), Čorum (R. Turska).** Općina Tešanj donijela je odluku o uspostavi partnerskih odnosa sa općinom Šoštanj.

Domaća i međunarodna predstavljanja općine Tešanj

Tokom 2015. godine općina Tešanj je imala poziv i priliku da se predstavi na nekoliko značajnih konferencija: Neum – konferencija općina sa povoljnim poslovnim okruženjem, Dubrovnik – dodjela regionalnih nagrada za najuspješnije poslovne subjekte i općine, Mostar – ekonomska konferencija, Bursa (R. Turska) – Smart Municipalities Summit, Mostar - Konferencija Biznis plus - Mostove gradi ekonomija.

Ambasade i međunarodne organizacije

Općina Tešanj je u 2015 godini aktivno sarađivala sa predstavnicima ambasada akreditovanih u Bosni i Hercegovini i brojnim stranim i domaćim organizacijama. Ostvaren je kontakt sa slijedećim ambasadama u BiH: **R. Hrvatska, R. Austrija, SR Njemačka, Japan, SAD, Rumunija, Turska, Švedska, Francuska, Švicarska.** Dio ostvarenih kontakata sa ambasadama rezultirao je i direktnijim kontaktima sa razvojnim agencijama, privrednim komorama i sl. Dio kontakata i zajedničkih aktivnosti prikazan je i detaljnije u nastavku:

Ambasada Japana - Vlada Japan je dala saglasnost za implementaciju u toku 2014. godine u vrijednosti **741.154 KM**. Ugovor između Ambasade i Općine Tešanj je potpisan u julu 2014. godine. Jedan dio sredstava nije iskorišten (**198.184 KM**), jer su ugovoreni radovi za projektom predviđene površine bili jeftiniji od početno planiranog iznosa. Općina je putem Ambasade prosljedila novi zahtjev Vladi Japana za utrošak preostalih sredstava (od početno planiranog iznosa) u deminiranje novih površina na prostoru općine Tešanj (Kalošević-Bugarinovići 3, Vrela – Crvena zemlja, Vrela – ukupno novih 194.499 m²). Saradnja se nastavila u 2015. godini na daljoj analizi sa terenskom posjetom. Konačan stav Vlade Japana se očekuje putem Ambasade Japana.

Svjetska banka u BiH, putem IFC-a (članica grupacije) – Na inicijativu IFC-a snimljen je kratki dokumentarni film/video o implementaciji projekata IFC-a u Bosni i Hercegovini. Video je bio dio projekta Poboljšanja poslovnog okruženja u Bosni i Hercegovini, a kojeg realizira IFC - dio grupacije Svjetske banke u partnerstvu

sa Kraljevinom Švedskom i Vladom Austrije. U pismu koje je upućeno na adresu općine Tešanj stoji: „Rezultati sa terena pokazuju da je općina Tešanj jedna od najuspješnijih u BiH... Naše iskustvo u radu sa vama je izuzetno pozitivno...“ Video materijal je snimljen i objavljen putem zvaničnih kanala Grupacije Svjetske banke.

USAID – USAID u BiH implementuje projekat pod nazivom „Unapređenje lokalnog razvoja“ (**GOLD**) u kojem među **47 općina** i gradova među kojima je i općina Tešanj. Od početka projekta predstavnici GOLD projekta sa općinom Tešanj implementuju nekoliko aktivnosti

U okviru podrške projektima **javno-privatnog partnerstva** općina Tešanj je kandidovala projekat Rekonstrukcije, dogradnje i modernizacije toplifikacionog sistema u općini Tešanj. Projektni prijedlog općine Tešanj i općine Novi grad Sarajevo jedini su zadovoljili kriterije među 158 projektnih prijedloga iz svih 47 općina. Projektni tim općine Tešanj uz podršku GOLD-a pripremio je Projektni zadatak, te je ugovorena **izrada Idejnog projekat toplifikacije općine Tešanj**, a uporedo i koordinirano je pripremana aktivnost u ZDK za izradu Studije izvodljivosti za ovaj projekat. Kada se završe ove aktivnosti trebali bismo biti spremni za donošenje odluke za provođenje procesa uspostave Javno-privatnog partnerstva.

Kroz ovaj projekat realizirana je Projekat prekvalifikacije u saradnji sa Napredak d.d., koji je donio 30 novih radnih mjesta. Na program **G2G (Vlada Vladi)** u okviru USAID-ove podrške lokalnim samoupravama kompletirana je i predana aplikacija za finansijsku podršku.

TIKA – Turska uprava za međunarodnu saradnju i razvoj i općina Tešanj su u decembru 2014. godine potpisale konačne dokumente za dovršetak izgradnje biblioteke u Tešnju. Nakon građevinskih radova koji su u potpunosti isfinansirani od TIKA, uslijedilo je opremanje prostora novim namještajem, preseljenje i svečano otvorenje koje je realizirano 9. septembra 2015. godine. Partneri iz TIKA bili su zadovoljni ostvarenom saradnjom i zajednički realiziranim projektom. Implementirana **vrijednost** u 2015. godini iznosi cca 600.000 KM, a sa ranijim ulaganjima više od 1,1 milion KM.

UNDP i Federalno ministarstvo razvoja obrta i poduzetništva – Općina Tešanj je u projektu koji su zajednički realizirale ove institucije kandidovala i uspješno realizirala projekat gradnje treće trake. Od 10 općina kojima je odobren projekat općina Tešanj je prva realizovala i podnijela izvještaj za taj projekat. Važno je napomenuti da je projekat realiziran na osnovu metodologije i projektnog pristupa koji je uredio UNDP. Na osnovu ove uspješne realizacije u 2015. godini, općina Tešanj od odabranih 10 općina za realizaciju u 2015. godini bila je jedina općina u Federaciji BiH, kojoj je odobren **novi projekat** koji će biti realiziran u 2016. godini. Na inicijativu UNDP snimljen je kratki dokumentarni video/film u kojem je općina Tešanj predstavljena kao primjer uspješno realiziranog projekta.

GIZ - Općina Tešanj je jedna od 10 općina iz BiH koje su uključene u aktivnosti programa GIZ (Njemačko društvo za tehničku pomoć i međunarodnu saradnju) **Prolocal** (Program za lokalnu upravu i ekonomski razvoj). TRA - Agencija za razvoj općine Tešanj bila je uključena u realizaciju programa sa općinom Tešanj. Tokom 2015. godine djelovalo se u tri područja/komponente: sistemski pristup konkurentnosti, javno-privatni dijalog i razvoj lanaca vrijednosti u proizvodnji jagodičastog voća. Najvažnija postignuća u području sistemskog pristupa konkurentnosti su:

- uspostava Odbora za metaloprerađu u BEAR području,
- pripreme za uspostavu BEAR poslovne škole,
- podrška obuci CNC operatera u Tešnju,
- izrada profila za 5 metaloprerađivačkih firmi iz Tesnja u cilju za povezivanje sa stranim tržištem i dr.

Osnovni rezultati u području komponente javno-privatni dijalog su:

- podrška radu SLER-a,
- podrška BFC certifikaciju kroz izradu i dizajn seta dokumenata za investitore,
- podrška pri izradi upustva za rad sa investitorima i poslovnom zajednicom,
- podrška MCI ocjeni (Indikator općinskih kapaciteta) u čemu su općina Tesanj i jedinca za LED u TRA Agenciji dobili najvišu ocjenu od svih ocjenjivanih općina u BiH.

Treća komponenta je bila usmjerena na uspostavu lanaca vrijednosti u proizvodnji jagodičastog voća kroz uspostavljen BEAR tim jagodičastog voća, održano je 6 sastanaka BEAR tima, obavljena obuka 4 agronoma, izrađena marketinška studija za proizvodnju jagodičastog voća u BEAR području, podržana studijska posjeta Zapadnoj Srbiji kao liderima u proizvodnji maline i razmijenjena iskustva o unapređenju proizvodnje na našim prostorima. Prolocal program koji je implementirao GIZ okončao je svoj trogodišnji angažman 30.10.2015. godine. Tokom 2016. godine očekuje se početak projekta GIZ Prolocal + koji bi trebao okupiti 20 općina iz BiH, među kojima će se nalaziti i općina Tešanj

Drugo - Pored navedenog općina je saradivala i sa drugim organizacijama; AHK, BIGMEV, Mozaik, i brojnim drugim. Općina je tokom 2015. godine kandidirala projekte u području rada sa mjesnim zajednicama (finansira se od Vlade Švicarske, putem UNDP-a), te u području komunalne infrastrukture (tzv MEG projekat koji se finansira od Kraljevine Švedske, a u BiH realizira putem UNDP BiH). Kandidatura je izvršena u drugoj polovini 2015. godine, a rezultati se očekuju početkom 2016. godine.

REZIME

Postoji još mnogo sadržaja i događaja iz 2015. godine koji bi s pravom mogli biti opisani i mnogo detalja koji nisu mogli stati u izvještaj, a koji se mogu pronaći u drugim dokumentima, informacijama, izvještajima, odlukama i sl. Općinski načelnik kao organ lokalne vlasti dio je lokalne samouprave i u aktivnostima Općinskog načelnika (uostalom kao i Općinskog vijeća) uključen je organ uprave, brojne institucije, brojni pojedinci, komisije, timovi... Svi oni omogućili su provođenje u izvještaju opisanih aktivnosti.

Ovaj izvještaj, treba promatrati u kontekstu okolnosti i vremena, planova, prilika i izazova.



Općinski načelnik

Mr.sc. Suad Huskić,